

錢唐縣志序

邑有志猶國有史徵往憲來于是乎在夏殷聖人之後文獻不足尼父喟然而歎志胡可已微志不徵不徵不信而錢唐號天下名邑山水韶秀人物魁傑列郡無敢望四王六帝之都二千餘年未有載乘真缺典也聶侯純中蒞錢唐五年邑大治秋七月乃慨然就不佞輩謀焉不佞亨遂巡避席曰盛哉盛哉一邑之鑑千古之權乎顧所以爲此甚難古之良史論世綜變積有歲年銳然舉之葦月而已則時難舊事游覽備略郡志畫方慎辨肇自今茲尺寸緇素俾無奪

錢塘縣志黃序

一

倫則創難山川土田較然列眉往哲既定無畏多口惟是潛隱不耀耳目未共而逐影噉名之流俯慙一室仰慕千秋經非魯麟筆非董狐則直難此三難者愚人之所驚也而賢者之所避也腋一狐以爲裘張一目而網羅千載能乎哉聶侯奮袂而起曰心湯愚之人也寡賢者識然而事有本始椎輪大輅圖難于易是在方略曷避焉歲年不足請兼日并夜而攻之創畫惟艱請比類分戶臚列而參之山水溯其初沿革存乎代賢豪傑起出如褚子處若林逋誰得而問諸乃可上可下臧否否臧請證輿論而統一之疑則

闕之寧不足令可加無有餘而濫也知我罪我湯也
任之則何如于是闔書院徵三五文學茂才事各爲
目人伸所長博采諸羣籍實訪于諸老援義起例釐
爲十紀時不佞方病瘧稱水量藥不獲從諸文學簪
筆効拙目而俟之志已告成矣病間屬爲序不佞亨
乃作而歎曰盛哉易若斯乎賢者固不可測夫遷固
稱古良史然遷本左氏國語采世本戰國策搜貫經
史世龍門之業班椽抽蘭臺之祕雍容筆札亦多摹
倣史記稍爲增損歷時結撰匪朝伊夕而聶侯處劇
邑當塵軌之衝焦心于水旱駢指于簿書昔之才者

錢塘縣志黃序

二

揮五弦送飛鴻猶謙讓未遑日亦不贍而俟乃舉二
千餘年之缺典四月而成之草創比于裨譭摛采擬
于司馬而取義闕疑尊乎麟史斯不亦治聲卓魯而
詞爛游夏者乎端木生有言見其禮而知其政覽是
志也政可知已萬厯己酉仲冬朔儀曹郎邑人黃汝
亨撰并書

錢塘縣志敘

古方國皆有史史亦世其官天子歲遣行人采之觀
治辨謠俗而羣后述職又輒以其建置廢革貢諸天
子太宰弊其得失而殿最焉其列在內外史慨可覆
而按也雖周之季如南宮适之徒猶得百十二寶書
而志之楚左史相能讀墳典邱索而子革且將敖其
所不識文獻之徵蓋其難已吾浙星野爲斗女之分
方域隸揚州之內厥土塗泥厥賦下上錯瑤琨篠簜
齒革羽毛惟木虞夏之文已能志之而漢以來物產
人文幾與上國埒迺錢唐之名最著而我國家更置

錢塘縣志陳序

三

郡邑列於省會披輿圖爲千百城冠其山川瓌麗舟
車輻輳甲于天下而聲名文物英賢照映殊尤絕跡
足爲百世徵者豈宜無紀考浙之志成于嘉靖之辛
酉杭之志成于萬厯之戊寅而志錢唐者寥寥二百
餘年其闕汶弗彰之謂何設令天子修外史之職詢
掌故于方國其敢以不敏應歲之作噩邑令聶侯庭
空政成輒喟然曰豈不穀是爲而乘載不備故實無
稽胡以法前修而憲將來也于是網羅軼文旁采聽
睹而甄敘論列悉自躬裁爲紀者凡十曰疆域曰勝
覽曰制度曰都邑曰官職曰士品曰遺獻曰文章而

仙釋方技齊諧稗說亦略具焉夫分疆覘土稽度攷
憲非精核弗勝也屬辭比事詮奇表異非博綜弗勝
也而袞鉞片言彰瘕百世又非持大公而秉直道弗
與也由茲以譚其非迂遠腆鮮之務可知而寥寥二
百餘年者胡以也矧今之述邑媿者又異甚曰洪濤
喻縮兩海一經高峰際天旁魄緯星不然則壓絲織
文竹箭南金絃服切雲日眩心驚又其大者詩書禮
樂闐闐而是衣履冠帶衡紱旃纓此皆所以志乎而
非也當草昧初余不具論如成弘之際休養教化官
不識民民不識吏幾于睢睢盱盱之風而今然乎哉

錢塘縣志陳序

四

法令滋章媮靡日甚一唱百和走利如鶩士之不馴
而競也民之朴而嚮也重以水旱不時之灾征輸
無藝之擾當事者蓋有隱憂焉吾意侯之爲是志也
其上諸金匱石室無廢外史氏之職幸甚無亦惟是
上計之日報諸天子如古述職故事或其垂念東南
士風民力而稍加之意乎自今日往按圖指掌曷興
曷廢某善某良較若列眉觀若畫一則與侯代興者
夫豈無賴焉我國家無疆厯服幅員萬里而錢唐得
臚于督亢畿輔間其二百餘年之文獻忽曜闡汶于
光明則昔人所稱爲不朽計者端在是矣余奉命按

籍留都而道故里適侯議築南湖貽邑永利有味乎
遠慮勇斷二語足爲循良著蔡且樂觀斯志之成也
遂不辭侯之請而僭敘其端萬厯己酉冬孟吉日仁
和陳禹謨撰

錢塘縣志陳序

五

錢塘縣志序

錢塘名邑始見羸史蓋源三池委三漸其義坦然泉途云繇鳥目龍巖蜿蜒而來揚鬢干官石次吳越以受龍冊而翔鳳林苞文騫舞斂翮鳳山五寺之基爰奠宋鼎衍鳳庥于斯焉時爲四王七帝之都然卒無有擬三輔黃圖者其蹟僅散見二十家志郡而及斯邑者潛公說友之外又四三家獨周氏舊事孫氏文獻田氏遊覽偏紀其槩而已是名邑二千餘年未始有專志也新淦聶侯視邑五載聲績凌出向志所紀黃葉廊余諸令上僉謂侯大興水利宜成河渠書顧

錢塘縣志虞序

六

嫌于伐不果成出製錦緒工成斯專志罷諸家之製焉雖時取周潛夫田學使陳方伯諸書徵文學掌故輯比其議乃自用輿移囿窮中物猶家之督手籍生產蓋藏禾幾阡食幾指矣宰之神明棣通明聖通其所降之神生而肖侯譽之匪僻復通其所主之神治而肖侯頌之匪詔政爾何煩外咨耶語以其謙亦或綴景陽之尺寸乞彭澤之一絲兩絲于纓綬裋褐緇黃者流至積緝爲升積升爲緘積緘爲紀紀至于九恍趙繡列國之圖則咸出自機杼曾不使一人學吾製矣二千餘年錦城宛然重見五代表樹之色焜耀

玄黃萬象一新煨煨乎綦盛矣哉當此之時交稱左馬桑鄴良史罕儔而涪熙妄以虞初齊諧攘臂其間天銖竺瓊續成十紀譬之九章鶉裔五色無當宣尼所以惡紫也懸諸國門有請損之者夫一統志自文莊大儒寶慶重慶柳州惠州人物仙釋等而楚雄黎州有仙釋無人物不嫌也谷傳萬籟湖涵萬星搏之皆空示民毋搏空意不在萬安用損且龍門合不乃有滑稽傳乎是故侯採螭支列堞之文魚膏不加浣焉第以四王七帝之畿甸偏安逸豫樹標民服至今染於夢華興翟之悲如其筮損則損文而質損奢而

錢塘縣志虞序

七

儉將明光素錦侯建之標眾安往耶聖天子包六合軼百王罷採金之使塞烏目之竇偏安者土人逸豫者意消清明在躬神降申甫安知無忠肅其人損之又損爲齊民率於是永奠皇輿金甌無缺一統之志成于一邑斯又惟侯之初製助其經綸者矣故虬龍鳳凰施繪旂常循兩乳而至日命之曰明光太微浮玉之素所由返也茲乘其猶四馬然負之而趨哉萬曆三十七年十月吉日邑人虞涪熙撰

錢塘縣志敘

豫章聶純中先生初試爲令來蒞錢塘蠲苛澍膏德
理敷鬯爲之五年而民安士附心歌腹詠有神鸞奏
雅之化焉頃以其暇探藉乘蒐祕佚發凡證例汰冗
酌宜徵之文獻爲縣志旣成以示承學鯨因祗肅披
讀而起曰懿鑠哉公之爲茲舉也蓋志之不可無者
三而有則眾燉備焉禹貢揚州之分野武林屬吳而
錢塘之名實自秦始新室改爲泉亭東漢仍復其舊
入國朝辨疆正域始析邑而九則錢塘昔爲統稱今
爲專設而著名最古非他邑比則志之不可無者一

錢塘縣志虞序

八

也方輿所載枚乘七發所稱漸江秋濤及兩峰三竺
明聖六橋諸勝不減方壺閩風探幽訪奇之屐無日
無之而皆屬之錢塘則志之不可無者二也地在東
南原爲海門潮汐之衝不宜於封建而龍飛鳳舞夙
以錢塘爲讖迺武肅之創起南宋之徧安後先數百
年爲帝王冠履之基良非偶然按圖攷跡取符譜牒
豈特若風土記者舊傳之僅侈觀聞者哉則志之不
可無者三也第振古逮今未有注念及此者而千載
曠典待公肇新如長庚之初旦亦奇矣然愚知公之
非徒揚詡爲也先生量地制邑申畫郊圻書稱庶土

交正謂墟壤經緯燦然可紀周禮九職九兩六聯八成之法廣及園圃藪牧大爲師儒賓客細至貨販閒民並埒爲宰治宏規而邑合比諸子男爲親民之要視百里內如髮膚枝節癢痾相應布德同風起化因俗眠疵察微燭照黍計則邑之有志正振裘持領舉綱收網羅川原民社於指掌而鑒沿革善敗於書紳者也顧可闕歟今觀其紀疆則墉壑畝藉登耗廢興之總括也紀制則琴堂花署叢宇琳宮之臚列也紀勝則神囂仙的翠巘丹瀛之鱗次也紀都則祖社朝市龍旋虎變之臨馭也紀官則玄鬢巷歌黃髮擊壤

錢塘縣志吳序

九

之芳躅也以至忠貞義俠金石不雕白閣青雲芳華並掇賦奏兔園之鳳律文呈玄圃之夜光遂復採逸禮於殘竹聽遺詩於達路而祇經怪贖漆書竹簡名山一家之言無不綴焉猗歟盛哉鑄古彙今以述爲創詳而不繁簡而有體可以志矣公雲騫景煥功用方興錢塘首被撫摩而合緒豐功此爲冠冕正爲班匠施功夔襄準法音節旣諧地靈若闢其有補於貢俗經野之治信非淺也承學不敏獲弦誦於圖籍山水之中以頌敷休美樂觀盛事又一奇遘矣是爲敘萬厯己酉冬仲朔邑子渤海吳之鯨頓首撰

錢塘縣志自敘

令聶心湯曰不佞蒞錢塘五年覽勝湖山攷創繼所
繇來緬懷昔賢濬水漑田致芟菱穀米水泉之用世
世功德於民者直與錢塘相終始其代則唐宋皇明
其人則李鄴侯白文公錢武肅蘇文忠楊郡伯詢之
掌故則缺焉而未志謀之老成則諱焉而不任核之
見聞則繁焉而無當徵之載籍則略焉而不備卽有
巖處竒士偏部短紀隨時間作著其細而遺其大得
乎此而失乎彼于是取郡志西湖志而損益之撮其
大旨去其繁重其未有者及事詞散出難于綴屬者

錢塘縣志吳序

十

必問遺訓咨故實以次講求增補焉有徵可信因義
起例釐爲十紀考城郭阡陌賦役食貨吾得紀疆考
湖山泉源形勢繹絡吾得紀勝考祠寺宮觀倉舍吾
得紀制考建茅胙土墟社革鼎吾得紀都考良令幕
佐師儒吾得紀官考辟舉科貢封錫吾得紀士考鴻
碩名賢淑懿高行吾得紀獻考灾祥風俗吾得紀事
考古今藝林著述吾得紀文而僊釋方伎與異事叢
談寰中物外之竒則以外紀附見亦旣彬彬乎博收
約取自相錯綜明纂述之事矣語曰千金之裘非一
狐之腋也豈不然哉刻旣成有問於余者曰志者史

之流也合散一殊巨臚細列人詳物叢探索必覈循
名責實發爲藻華義經道緯此可以觀才識存往詔
來媿惡備舉據其可知有疑必闕總微說約勸一懲
百其文則史其義則經此可以備法戒維風莫大於
敦俗敦俗莫先於著教比事連類託物寓警俾閱是
編者察吏治所以良窳財賦所以盈縮人才所以虛
實戶口所以登耗風氣所以醇侈予以蚤見力挽酌
弛張而分輕重此可以宣風教不佞瞿然謝曰夫若
是者余則安能余則安能惟是雍洽之世人文輩出
聖皇在宥道術宣朗而錢唐以首藩名邑志乘缺如

錢塘縣志自序

十一

心湯適承乏茲土不爲網羅論載廢簡編之遺文心
湯則懼矣是舉也不過經省眾說斷以己意使缺者
舉之諱者明之繁者約之略者詳之取其足以備觀
覽志遺忘而已若夫辨疆程土稽俗慎封求其源委
時其浚治防其後佚使井邑生聚富庶百年一日以
俟後之君子紹明前烈焉萬厯三十七年仲冬之朔

凡例

錢塘合聶心湯曰錢塘自嬴秦迄今二千餘年未有志卽郡志西湖志皆非耑紀亦頗浩繁茲稍刪補略備典故他時太史授簡或可供驅除之役云

邑與仁和共附會城而治如城壕公署之類在邑疆者不敢不紀在疆內而不專蒞本邑者僅紀其概明非所得專也

錢塘山水之勝天下稔聞故倣水經例詳紀之以當卧游

錢氏四王宋七帝建都此邑事詳國史故倣吳都三輔諸編略紀名氏古蹟而已

錢塘縣志凡例

一

仁錢錯壤其間先喆或生于斯而舉于彼或第宅在彼而邱隴在此舊志臚列亦未盡明至于品目猶難懸斷爰采眾論稍爲銓次大都仍舊什九增新什一疑者闕之以俟公論之定

名賢詩文分見各紀以便觀覽有文備數義難定一門者別爲一紀大都詳今略古以古者經見而今者未傳也至于寄贈題詠無關邑事者槩不敢錄又或鄴架偶遺郵筒後至者亦不及錄

外紀五篇多出虞司動手立搜博採可補前志之闕

事取核故簡文取實故質人取典刑故寧不輕紀紀
取一邑故不旁收他邑

往志皆屬本鄉先達先達多賢豈至阿所好第謙讓
弗任恐成築舍故不佞竊取其義草創成編儻以狂
瞽爲罪不佞何辭

是役也爲紀者十爲目者四十有九權輿於巳酉歲
重五日告成於重九日裁定則有虞司勳淳熙黃儀
部汝亨洪給諫瞻祖葛儀部寅亮就正則有林憲副
梓金中丞學曾侍御陳禹謨秦懋義楊廷筠姚太僕
文蔚查大參允元張憲副振先莫憲副睿張憲副鳴

錢塘縣志凡例

二

鶚錢考功養廉黃職方克謙湯郡丞煥凌太守登名
孝廉吳之鯨張蔚然沈守正校次則有閩人徐燭邑
諸生鄭之惠陳雲渠萬廉甫聞啟祥張元徵朱萬祚
馮調元徐懋升曹令儀許夢雷至如山人邵重生僧
雲棲徠宏昭慶傳如南屏大壑攷古選勝與有勞焉
法得並書

錢塘縣志目

紀疆

沿革

城壕

里陌

河梁

田賦

物產

紀勝

山水

山水

山水

紀制

公署

公署

公署

署餘

壇

廟

祠

墓

寺觀

紀都

錢塘縣志目錄

吳越

南宋

紀官

官制

令

丞

簿

尉

師儒

名宦傳

紀士

辟舉

進士

鄉舉

貢士

武試

楷書

封贈

恩蔭

紀獻

先詰

寓賢

列女

紀事

灾祥

風俗

紀文

賦

詩

記

雜文

外紀

紀釋

紀僊

紀藝

紀異


紀譚


錢塘縣志目錄

錢塘縣疆圖


錢塘縣治圖

錢塘縣志圖






錢塘縣志圖



光緒癸巳冬月刊
成仁和羅架校字
嘉興朱文懋續圖

錢塘縣志圖



錢塘縣志

令金川聶心湯純中甫纂修

紀疆

敘曰秦并天下初畫疆置郡縣以山川名勝甲吳越閒西南皆湖山東北多土田至錢武肅分置錢江而錢塘之腴割矣名不殊古而實不盡如古治川原沃衍物產殷充亦不盡如古所稱然閭閻繡錯雞犬相聞撫之則腴腴之則瘠保障繭絲顧其人謂何耳紀沿革紀城壕紀里陌紀河梁紀田賦紀物產凡六篇曰紀疆

錢塘縣志 紀疆

沿革

錢塘縣天文斗分野

漢郡國志起斗十一度至婺女七度日星紀之次吳越分

也其日丁其辰丑其星火其神衡山熒惑位焉

古為荒服地禹貢隸揚州會稽郡禹巡會稽至此舍航登陸故以杭名州少康封庶子無餘於會稽主禹祀國號於越因名禹杭

俗訛為餘杭

周季吳越構

兵狎隸其地顯王時楚威王殺越無疆盡取故吳地至浙江乃隸楚秦始皇二十五年滅楚次罷封建置郡縣分天下為三十六郡以吳越地置會稽郡領縣二十四在杭者四錢唐其一也縣名錢唐

自秦昉也

或曰郡議曹華信作唐捍海募人致土石一斛與錢一千來者雲集因不復用

皆棄去而唐成故名或曰近湖有錢塘門故名或曰唐途也錢古錢姓或秦漢間有錢姓居此為唐故名皆無實據惟涪祐臨安志辯錢塘名始秦紀近是

新莽更名泉亭東漢

建武初復故名六年省錢唐光和二
年封朱雋錢唐侯地屬封內晉平吳分錢唐屬吳郡陳禎明元年置錢唐郡隋文帝平陳廢郡置杭州廢新城海鹽入錢唐縣隸杭州錢唐隸杭則自隋大業昉也三年改杭州為餘杭郡錢唐隸餘杭唐武德四年復改杭州錢唐隸杭州諱國號易唐為塘縣名錢塘則自唐武德昉也七年省鹽官入錢塘附州為

錢塘縣志

紀疆

二

沿五代梁龍德二年錢氏割其半置錢江縣為錢塘如故隸吳越國都宋太平興國時吳越納土改錢江為仁和南渡建炎三年陞杭州為臨安府錢塘隸臨安元復杭州尋改為路領縣如故國朝改路為府錢塘居所領九縣之一杭定為府錢塘夷八縣而治附府則國朝昉也

論曰錢塘有沿革而無沿革沿革沿革附省郡志然自秦皇時郡未有杭省未有浙而縣有錢塘是郡省即錢塘為沿革錢塘非附郡省也割裂勢分隸屬時異爰采邑名邑隸邑疆所自昉而志沿革云

城壕

錢塘與仁和共附省城隋楊素剏築州城周三

六里九十步唐吳越國王錢鏐增築羅城七十里

自秦望山由夾城東亘江干泊錢湖霍山范浦凡

十門曰朝天曰龍山曰竹車曰新門曰南土曰北

土曰鹽橋曰西關宋高宗增築內城及東南外城

曰北關曰寶德門十三東曰便門曰候潮曰保安曰新

附於舊城門曰崇新曰東青曰良山西曰錢湖曰

清波曰豐豫曰錢塘南曰嘉會北曰餘杭元張士

水門五日保安曰南曰北曰天宗曰餘杭誠復築周六千四百丈有奇高三丈厚視高加一

丈而殺其上東自良山候潮拓三里而絡市河於內南自候潮迤西縮二里而截鳳山於明興洪武二十六年曹國公取杭州因元故城

錢塘縣志

紀疆

三

為省城周減六之一門省為十東城五門曰候潮

有水門曰永昌舊名新門俗呼草橋曰清泰舊名崇新俗呼

錢塘外曰慶春舊名東青俗呼菜市有水門弘治年塞萬麻

屬仁和曰慶春俗呼菜市有水門弘治年塞萬麻

常居敬郡丞曰良山有水門俗呼壩子以上西城

涂文奎復開曰良山有水門俗呼壩子以上西城

三門曰清波曰湧金舊名豐豫以上曰錢塘舊有

門今塞內屬仁南城一門曰鳳山有水門舊名正

和外屬錢塘仁呼正陽又有清平門今北城一門曰武林有水門

內屬錢塘外屬仁和舊名餘杭俗呼北關又有天宗門俗每門二樓湧

呼小北門今塞內屬仁和外屬錢塘每門二樓湧

金無月城樓樓凡十又九守解二武林倍之解凡

二十又二水門樓二為武林為良山雉堞九千八

百三十三堵臺五十座警鋪一百七十又一脩葺之役亦兩縣共之其屬錢塘者曰清波候潮永昌清泰鳳山成化十一年左布政使甯良議錢塘門左湧金門右開水門導湖水入城嘉靖三十三年巡撫李天寵清鳳山清波馬路之侵沒者三十四年倭將犯杭提學副使阮鶚增高錢塘門月城堞督撫胡宗憲於北關外築東西敵樓上有堞下爲門二十清波城南上築帶湖樓東南築定南樓鳳山城西上築襟江樓三十五年巡撫阮鶚於白塔嶺兵馬司銀杏樹月塘寺築敵樓三十六年東新

錢塘縣志

紀疆

四

關沈唐灣沈婆橋陸家橋各築敵樓湧金錢塘二門中舊有磴道便守城者盜賊夜劫亦由此上下隆慶五年督撫鄔璉於城西築嚴警樓分營兵直宿萬厓二年督撫謝鵬舉令夷毀磴道三十一年督撫尹應元右布政范涑縣令朱光祚議大修城明年心湯至復請增工覈實期無竄隋凡二年竣役堞堵樓鋪煥然一新三十六年大水入城城有未經修者復圯心湯復請增修并請雲居要害處增直宿兵以杜盜賊出入之徑

壕南邇浙江西卽以湖水爲險茫茫天塹居然巨

防其東起永昌壩並清泰至慶春門止中廣二十餘丈長一千丈九尺自慶春門厯艮山廣三十餘丈迤北至武林錢塘門止長二千六百二十三丈二尺嘉靖三十五年武林錢塘二門外各浚壕甃開上構弔橋環城皆有深池是年四月霖雨湖水泛溢錢塘門北城衝圯三十餘丈乃塞壕併毀橋開後有勢家築埂植荷以爲利者三十六年心湯悉剗毀上其事永禁不得與人佃且一切隸有司他署不得冒干勒石道左記其事

論曰古者都城不過百雉杭幾萬雉矣雄跨水陸

錢塘縣志 紀疆

五

險峙金湯築鑿高深屹焉可守然食指千萬北貨粟監河而南給薪江滸且俗驚奢侈民鮮蓋藏倘闔其十扉卽智者無從借箸此非獨一邑虞也樽節愛養講賈生積貯之策則公侯所以干城有任其責者矣

里陌

錢塘縣凡一百六十里在城者為坊十有一曰太平里一保安里三芝松里二松盛里二斯如里三南壁里二南良里三北良里二馨如里一豐寧里一西璧里一附郭者為隅七曰城南上隅里五下隅里三柵外里三城西里二尉司上扇里四城北里二尉司下扇里五在鄉者為都九曰調露分上十里下靈芝三都八里四都孝女女南管五里崇分七里四里五都五里女北管四里崇化分七都七里八下分八都上欽賢上分七里履泰里七安吉里八長壽里六定山定南十里東西相距四十五里南北相距一百四十里東至清泰永昌二門抵城而

錢塘縣志

紀疆

止西至餘杭縣長橋界四十五里南至富陽縣廟山界七十里北至湖州府德清縣導教鋪界七十里東南至蕭山縣西興界二十八里西南至富陽縣分金嶺界六十五里東北至仁和縣義和坊四里西北至餘杭西溪界四十里

在城諸里自武林門入大街義和坊東至橫街即義坊街其南為鐵線巷普安北巷柴木巷忠孝巷茅

郎巷南班巷雙井巷安福巷其北仁自壽安坊

俗呼官巷口而西至井亭橋其南為二僊巷神堂巷八

僊巷臘作巷百子圖巷今塞為成娘娘巷其北仁

巡警鋪

入鳳山門沿吳山而北過鎮海樓折西又北至

清河坊西文錦坊義和壽安坊大街其東為錦雲

橋街通候潮門醋庫巷安和橋街通候潮門集義巷裕民坊

磁團巷保信巷清平坊興禮街與西清河坊對灌肺巷通

和坊進金波橋普濟巷保佑坊五門樓巷今塞東文錦坊

即洋壩頭平安小街安平巷今塞永清坊俗呼水巷日新巷西

為清平山巷壽域巷即白馬廟巷太廟巷保民坊舊西天寺

今為南院忠節坊長慶坊俗呼石龜巷吳山坊內有大井為吳山第一泉

清河坊融和巷俗呼高銀巷太平坊巾子巷今塞中瓦巷

俗呼道院巷甘澤坊西文錦坊即洋壩頭修義巷俗呼肉富

錢塘縣志 紀疆 七

樂坊最樂坊教睦坊積善坊秀義坊北即壽安坊人

候潮門而北至上下馬坡街接仁和界其東為水

門巷烏盆場巷楊店巷東花園巷昇僊巷慈雲寺

巷孔雀園巷今塞茱梨園巷今塞西為大營巷鄭公巷

即顧馬兒巷官井巷談郎步巷集義巷即施官兒巷撫甯巷

獅子巷高麵巷姚園寺巷大德街今塞金剛寺巷暮

園巷橫街舊寨口巷 人永昌門而西至望僊橋

其南為上馬坡街小竹竿巷總甯巷牛羊司巷袁

酒巷北為下馬坡街什物庫巷今塞百花池上巷俗呼

板兒巷安和巷馬院巷通斷河頭入清泰門而西至清

泰橋轉南而西出東文錦坊口其南為安肅坊崇

新坊南場巷春熙巷九曲巷豐和小巷佑聖觀巷

通武打羊巷今呼義林木梳巷甯海巷長慶巷呼

嚴馬安平巷集慶巷鐵線上巷賢福巷北為同德

坊石板巷北場巷熙春巷雙茶坊巷今名小豐禾

巷宋有豐高橋巷忠孝坊柴木普甯巷普福巷鐵

線下巷 入湧金門而東過三橋至西文錦坊口

其南為轉運河橋俗名渡子永仁橋巷今臺後橋

巷宋御史臺今木龍橋巷南通華光廟後市街即

北望街入織染局何胡子巷今名紙焦雞

錢塘縣志 紀疆

巷今名妙六房巷今名局神堂巷張司馬巷新開

路平安巷今石榴園巷今灰瓜齋巷大瓦巷沈公

井巷 入清波門沿吳山而東至龍舌嘴口其南

為嚴官兒巷蔡官兒巷陸官兒巷塔兒頭街菜市

頭巷今鐵冶嶺街郭婆井巷金剛嶺巷羅師山巷

聯桂坊羅師巷北為四條巷石板巷即水關王廟

巷今昇平巷即道自清河坊而西至府治流福

坊口其南為八作司巷古康大隱坊宋徽宗朝處

小僊巷安樂坊俗呼管懷慶巷即龍昇平巷石板

巷安阜坊府治北為南新街即肅愍清望街今後

德化坊

舊仁和衛今塞

十三灣巷

東中西三巷

泰和坊

俗呼華光廟巷

興賢坊

文廟街南

荷花池街

府治西

自興禮坊而東至

舊達達城上路其南為沙毘巷布市巷百歲坊夾

墻巷北為熙春橋巷清洽橋巷鍾公橋街佑聖觀

街 自井亭橋而南河下其東為幢子巷施水橋

街桐木巷軍將橋街

上有華光廟街東舊有徐府今為旗纛廟

侍郎橋

街今塞西為欽善坊

舊呼聞扇子巷

方家巷

今呼馬家巷

畏吾寺

前街油車巷

俗呼剪刀巷入織局前

運司河下自北而南至

聞兒頭文明牌

今與賢坊

其東為福甯橋街

又名育西才坊

為桑園巷

今入運司

錢塘縣志 紀疆

附郭諸里出武林門外抵北新關橋其東為永清

巷

通陸家場

清湖閘巷上關門巷下關門巷

通黑橋

枯樹灣巷

通新馬頭倉基

灰壩夾城巷

通東新橋

左家橋巷

通黑橋

寶慶巷

通新馬頭倉基

西為霍山坊

又名混堂巷通松茅場

米市巷

通新河壩

餘唐巷

佛大夫坊巷

通接待寺

草營巷

通觀音關

信義巷

通餘杭塘

賈家

巷

以上東屬錢塘仁

嘉會門南抵排柵門街

即沿江裏街

其東為清淨巷

對山壇

船料巷槐花巷西為馬倉巷

馬苑巷

排柵門南抵浙江驛其東為普甯巷道

林巷大巷

通化仙橋江塘

混堂巷小橋街西為江公墓巷

上南鴻鴈池街車馬門巷玉簪巷末香巷湯公巷

通天眞 鍾公巷擔水巷 街西卽 出候潮門大街

書院 爲鐵箭巷顏樓巷 爲仁錢 東過濟川橋南樓兵馬

司直西官河一帶跨浦橋分路其東爲大郎巷麻

秋巷 俱通 跨浦橋街猪團街兵馬司街爲鯨團街

爲龍舌嘴 跨浦橋街爲仁錢 交界其北屬仁和南

銀杏樹爲 屬錢塘出永昌門東南爲映江樓俗呼

仁和縣界 鄉都諸里凡五區四百二十六圩 西南區爲新

河圩淡田圩張家圩報先圩沈家圩 履泰二圖 姚家圩

孩兒圩孫家圩潘家圩草田圩 履泰三圖 合一圖

圖尉司下扇三圖之零田 燈油圩金家圩魚婆圩

通十圩耆老一人掌之 錢塘縣志 紀疆 十

圓覺圩姚家圩上還圩下還圩李家圩蔣公圩張

家圩包家圩 履泰四圖 董家圩 履泰五圖 合斯如三圖

圖之零田通十一 駱家圩筆管圩三百畝圩張婆

圩耆老一人掌之 圩可安圩小陳圩丁家圩董家圩 履泰六圖 靈隱圩龍

舌圩道人圩黃家圩資國圩 履泰七圖 關家圩和尚圩

尉司下扇二圖合斯如二圖 南良一圖尉司上扇

四圖之零田通十五圩耆老一人掌之 在長壽三

圖者其田並圍山在四圖五圖者其田並大溪在

安吉之一圖者其田並山浦在二圖者其田並山

巖在三圖四圖五圖六圖七圖八圖定南之二圖

八圖九圖十圖者其田並江浦無圩塘耆老一人

掌之在定北之一圖二圖者其田並山鄉在三圖

四圖五圖者其田並江浦無圩塘耆老一人掌之

在定南之一圖者其田並官河腹中在三圖四圖

五圖六圖七圖者其田並江浦無圩塘合城南上

隅四圖之山地五圖柵外一圖二
圖三圖之零田耆老一人掌之
西北區為盛

家石頭圩羅家圩下沈塘圩謝家圩女北為吳沙

聞圩二為涇港圩羊後圩三為長大墻後圩湖東

西圩前後村圩角豆圩四圖合城南上隅一圖下

尉司上扇二圖太平坊城南上隅二圖三圖下隅

一圖二圖尉司上扇一圖之地及零田通十一圩

耆老一人掌之鳥麻圩史家圩百石圩黃村圩西社城圩

女南為上墟上圩上墟下圩上墟東圩上墟北圩

杜城圩二上墟南圩凌林東圩凌林圩凌林上圩

上墟圩洋山下圩凌林南圩三上墟圩上墟東圩

凌林圩凌林中圩凌林南圩洋山上圩洋山下圩

錢塘縣志 紀疆 十一

洋山東圩洋山西圩洋山中圩洋山南圩洋山北

圩洋山後圩四山前後圩角頭圩洋上圩洋山後

五圖合靈芝五都四圖之新港圩太塘圩西獨

圩俞村圩何村圩夏家圩鍾家圩後壩圩廟東

圩廟前圩廟後圩西吳百石圩五圖之廟西圩廟

前圩橋外圩橋內圩東王村圩西王村圩南杜城

圩姚家圩稻穩獨壩圩通何家圩楊橋圩化灣圩

五十六圩耆老一人掌之

篠山圩塘下圩安豐圩後畝圩任家圩石頭圩崇

七都下泉圩垂湖沿山圩栗塘圩徐家圩小沈圩

二圖沿山俞村圩東沈圩西沈圩三茅山北圩柘塘

圩赤山圩涇南圩石敦圩南塘圩小安豐圩新畝

圩茅山外圩吳村圩王家圩五陸村圩六姚家

圩田村圩劉凌圩李村圩七圖通三十四圩獨孤

圩長秋圩馮村圩曹家圩大畝圩謝湖圩崇化八圖

蔣沈圩姚村圩湯湖圩石塔圩蔡村圩二圖為官蕩

圩姚村圩許家圩三圖黃添圩外黃圩小黃圩九圖

七圩耆老一人掌之倪家圩三淡圩滕村圩稍瓜圩崇化八圖

官蕩圩北茹圩五圖錢婆圩韓圩王家圩六圖茹村圩

七李墓圩黃添圩八圖通十一圩貝村小圩貝家

圩高村圩聞村圩聞村小圩北茹村崇化八圖高村

圩高村外圩西巖圩五石圩五石外圩十一圖東白

洋圩貝家圩十二圖太平圩姚村圩十三圖小壩圩新

錢塘縣志 紀疆 三

壩圩十四圖葉徐圩盛家圩上湖圩下湖圩十五圖

三都四圖之諸壩圩八畝圩六圖之徐家圩塘外

六圩耆老一人掌之東北區為北峰圩前陳圩新楊圩新

楊外圩河北圩范陳圩范陳外圩靈芝三圖北洋圩

胡旺圩靈峰圩視林圩西舍圩三圖王村圩新壩圩

東塍圩埂東圩埂西圩大黃墩圩小黃墩圩四都一圖

西白洋圩荀山上圩荀山下圩下壩圩吳公圩二圖

為楊山圩近山圩河駝圩三圖白池圩張家圩楊家

圩四圖通三十圩太公圩朱村圩施何徐陳圩獨

壩圩長田圩靈芝三圖柴家圩廟前圩茅塘圩新壩

圩石家白洋圩五圖嚴家圩陳家舍圩白考老圩低

窪圩趙老圩六公塚圩塘港圩長墓圩家後圩庵

前圩南何家圩北何家圩淡田圩五都一圖村東圩村

西圩小徐圩撥草圩莫壩圩村前圩百畝圩南岸

圩馮兩圩四百畝圩二圖老婆灣圩八十畝圩金家

圩龍蕩圩徐家圩前何家堰圩黃家墓圩前沈圩

白蕩圩坐村圩夏村圩徐家後圩徐家中圩三圖通四

十六圩耆老一人掌之褚壩圩小黃圩靈芝三都八圖合調

古埂圩大馮圩小馮圩十四圖之大羅圩棲真圩

蔣公圩外十六圖之白池圩西沈圩家西圩家東

圩通十三圩耆老一人掌之為陸村圩王公圩三塔圩調露六圖護

錢塘縣志 紀疆

塔圩箱望圩小馮圩盛陳圩八圖錢村圩汪家圩查

家圩西沈圩九圖為東沈圩西沈圩廟西圩十一圖通十四

圩耆老一人掌之張海圩陶家圩調露十圖後王圩南王圩三

埂圩董家圩盛家圩大灣圩十七圖通十三圩耆老一人掌之

東南區為古埂圩調露一圖俞家圩二圖曹公圩三圖大徐

圩沈村圩四圖小陳圩草田圩江家圩浦小圩五圖西

莊圩破羅圩朱阮圩浦小外圩小陳村圩七圖合

圖二圖保安一圖三圖北良一圖二圖清沙圩河

西壁之地蕩通十四圩耆老一人掌之西圩新塘圩聖堂圩壩西圩城北一圖大街圩妙行圩

觀音圩二圖保定圩往生圩金沙圩柳林圩尉司一圖

古蕩灣圩王婆圩資家圩坦圩新塘村圩前村圩

白蓮圩豐樂圩和尚圩四圖保定圩永興圩小登圩

毛婆圩丁家圩射家圩靈峰圩周家圩茹觀圩白

蓮圩五圖合保安二圖松盛一圖二圖南壁一圖

二圖馨如豐甯之地蕩通三十一圩耆老一人掌奇零區為楊塘圩楊塘小圩狹塔圩沿塘

之小圩長港圩鄭家圩盛家圩北角圩蔣公圩欽賢一圖

沈家圩章家南圩章家北圩曹將圩蕭家南圩蕭

家北圩草塘圩西葫蘆圩二圖葉家圩蔣村圩南莊

圩千金圩三圖鍾家圩女兒南圩石坎圩四圖西丁圩

東丁圩韓圩錢村圩五圖五丈圩范家圩龍圖圩龍

錢塘縣志 紀疆

圖外南圩六圖寡山圩杜社圩東蘇家圩西蘇家圩

七圖湯家圩沈冠子圩八圖通三十八圩耆老一人掌之五丈西圩

五丈西中圩五丈西南圩五丈東坦圩五丈西小

圩方家灘坦圩欽賢九圖新壩圩濮家灘坦圩濮家西

坦圩十圖百畝圩余家大圩余家小圩余家北小圩

東曹婆圩西曹婆圩楊家坦圩韓家坦圩龍舌圩

十一圖楊府大圩楊府東圩楊府西圩神僊宮圩神

僊宮小坦圩神僊宮大坦圩十二圖僊林圩獨壩圩

大牛經圩小牛經圩牛經西圩荆山西坦圩荆山

東坦圩新壩圩慈勝圩潘圩十三圖古塘坂圩十四圖合

長壽一圖二圖六圖之零田
通三十五圩者老一人掌之

論曰綜錢塘疆理而四分之市居者一山居者一
鄉居者二山無田市無農上下鄉稍治農時和年
登亦僅給本鄉而止矧上鄉負山溯江地高而瘠
恒苦旱下鄉當苕水下流窪而鹵恒苦潦戊申夏
五大雨月餘南湖旣決太湖不洩欽賢履泰滙爲
巨浸余親詣其處審畜洩之宜乃知田南湖者餘
杭數十人之利濬南湖者餘杭十六里錢塘四十
里之利且非獨於二邑也水經苕溪必匯具區觀
察陳公所稱錢塘喉吳興腹不朽論也敢私識之

錢塘縣志

紀疆

五

而附南湖考於遺文俾司疆者得審擇利害焉

河梁

郡城大河舊為鹽橋大河自鳳山水門北至武林水門為

橋凡二十有四隸錢塘者十有四曰錦雲橋宋名六部

安和橋元名聖安寺州橋舊府治在黑橋通江橋望僊

橋新宮橋舊名宗陽宮三聖橋舊有三聖廟佑聖觀橋今呼為鐵

佛榮府橋宋榮王府在橋東柴塚橋清泰橋舊名積善橋

俗呼回豐樂橋此橋北屬仁和南屬錢塘

小河舊為市河自鍾公橋西轉北至武林水門為橋凡

二十有五隸錢塘者十有五曰鍾公橋東與新官橋大河通

清冷橋熙春橋灌肺橋金波橋普濟橋寶祐橋巧

錢塘縣志 紀疆 六

兒橋今廢亭橋今廢平津橋俗呼貓兒舍人橋今廢方便橋永

清橋日新橋芳潤橋舊名炭此橋北屬仁和南屬錢塘

西河舊為清湖河自華光廟後北轉東至眾安橋為橋

凡一十有七隸錢塘者八曰普濟橋上有華光廟施家

橋舊龍翔宮後侍郎橋宋侍郎簡居此三橋軍將橋曲阜橋在

西跨街西湖水施水坊橋井亭橋此橋南屬錢塘北屬仁和

入湧金門東至轉運橋其南府治宣化橋河盡處

東行至流福橋北會出三橋河兩帶為橋凡七曰

湧金橋運司後水轉運橋舊名渡子永安橋如意橋臺

後橋宋御史臺御木龍橋又名太常後已上惠僊橋自湧

金橋來至此入三橋河舊名金文在宋金文酒庫

府治宣化橋河盡處

東行至流福橋北至轉運橋與湧金門河合同入

三橋河為橋凡八曰宣化橋俗呼喚戒子橋舊慈

樓店務橋流福橋舊名開定安橋入府凌雲橋舊

凌家福甯橋舊名福壽東達油轉運新橋入運

東運河舊為菜入艮山水門而南至斷河頭為橋

凡一十有二隸錢塘者九曰泥橋橫河第二橋俗呼

東橫橫河第一橋俗呼西橫河以上涓祐橋春熙

橋今名安樂橋平安第三橋俗呼豆平安第二橋

俗呼豆平安第一橋俗呼豆入候潮水門北轉

錢塘縣志 紀疆

西達通江橋為橋凡五曰諸家橋保安開橋保安

橋水門橋普濟橋舊名

橋下不通舟楫者凡十曰蒲曰升僊曰小永安曰

石曰阜民曰紅蓮花曰白蓮花曰珍珠曰青龍曰

雲涇

城外弔橋曰普濟橋候潮渾水閘橋跨浦橋通浙

渾水閘普濟正陽門外沿河曰蕭公橋外橫河

橋裏橫河橋已上城梁家橋諸家橋美政橋洋泮

橋海月橋化仙橋舊抽分木橋人多溺死有小橋

龍山上開大橋進隆橋夏郎橋獲蒲橋楊婆橋通

村以上城沿江曰徐村橋牌山橋范村橋上諸橋

南北偶一曰大朱橋萬麻二十四年梁婆橋凌家橋已上

僧祿宏者德葛廷祿修造通富錢塘門外沿湖曰石函橋放生亭溜水橋霍

西路九曲昭慶橋通舊丸城昭慶昭慶廣濟橋昭慶寺前

羊坊橋石函橋北已斷橋一名段家橋涵碧橋孤

路中宋轉運處士橋在孤山西洽橋孤山西舊映波

陳堯佐重建鎖瀾橋西通小麥望山橋蘇隄南頭西

壓隄橋西通茅東浦橋西通趙院跨虹橋西通耿

映波而下即袁公橋舊先賢小新隄橋新隄橋新增錦

大湖隄六橋袁公橋堂前西行春橋九里集慶寺橋

錢塘縣志 紀疆 六

集慶寺北合澗橋飛來峰回龍橋飛來峰下瀑雷橋冷泉歸

隱橋龍井東坡孝義橋麥嶺新河橋麥嶺善安橋

永安橋永福橋並麥嶺雙井橋丁家山橋惠因橋

高麗寺前丁家山小橋茅家飲馬橋長橋淨慈寺東渡

茶亭在孫隆助建清化橋錢塘門外相國井橋湧金流

玉虛殿前便行旅錢塘門外沿山古宕曰顯應觀

橋策選寨橋教場橋並昭慶崇福橋教場北保安橋

霍山小溜水橋舊精進沈家場橋溜水橋安民橋

沈家場古塘橋西堰橋方公橋古塘上泥橋下泥

橋八字橋西馬西隱橋即烏盆橋又名馬軍橋閣

家橋崇壽橋羊角惠安橋古塘步人橋羊角試院

大通橋王家橋舊試院前道院橋試院東清水橋試院西

觀音橋惠安橋以上西湖南北西山沿城北武

林門外曰新河橋陡門橋上閘橋中閘橋下閘橋

中下二橋今廢浴室橋武林門外西江漲橋賣魚橋米市橋黑

橋米市採蓮橋麻線巷塘家橋一名壽安范婆橋左

家橋舊志寶慶橋望佛橋左侯祠東歸錦橋左家

板橋去城北萬年橋宦塘橋去城北良畝橋俗呼

墩良渚橋已上武林門外大河西新橋觀音橋吳家橋楊家

橋女兒橋蔣公橋老人橋已上餘杭塘河岸

錢塘縣志 紀疆 九

上四鄉曰三子橋崇明橋吳橋葉婆橋永慶橋定

山橋已上定南無私橋安吉橫溪橋邵家橋雲洞橋

周家橋姜婆橋六畝橋杜家橋沈扑橋柴家橋長壽

鄉下四鄉曰楊家橋馮家橋東石橋章家橋全家橋

中五郎橋鍾家橋仰家橋金四媽橋鄭家橋葛家

橋荆山橋姨娘母橋道人庄橋欽賢毛家橋保安

橋履泰印墓橋康家橋浦家橋余家橋祥符橋護

塔橋相望橋古路橋東橋西行橋破塘橋卸子橋

大港橋興福橋下可橋安橋調露東陳橋白陳橋

鄉

後陳橋吳家橋良犬橋傅家橋新橋靈芝化灣橋

長明橋興福橋萬慶橋杜甫橋七賢橋王家橋蔡

家橋塔橋山西橋北沈橋義和橋和樂橋八字橋

章家陡門橋舊人橋官柵橋老人橋李墓橋斷橋

新橋廟橋馮家橋曹家橋草鞋橋太僕橋具家橋

一郎橋太平橋和藏橋楊家斗門橋曹家斗門橋

觀音橋崇化安溪廣濟橋孝女

塘附黃濮塘在靈芝五圖下新塘南接黃上墟塘

在女南二圖崇化八圖間西接上墟塘楊山塘在女南

接陵餘杭塘在城北二圖東起西塘在崇化捍江

塘在城南沿江西起

開附化灣陡門閘在崇化七都北接上墟塘為

奔激心湯訪之故老先築備塘俾民種藝旋築隄

修開垂成已酉八月大水衝壞仍修之黃汝亭為

記安溪陡門閘在女南一圖西閘在上一扇一圖西

今南閘在城西一圖保安閘在候潮門內諸家橋

廢南閘在城西一圖保安閘在候潮門內諸家橋

水開清水閘在候潮門外城南下渾水閘在城南

今廢清公橋南跨浦閘在城南下隅跨龍山上下二

南接跨浦閘在城南下隅跨龍山上下二

開在江驛前龍山口清湖上中下三閘在武林門外

仁和一石函三閘在西湖北尉陡門閘在定北鄉

葛廷祿同子大成重建灌田

錢塘縣志

紀疆

三

論曰杭州襟江帶河北抵燕而南際閩在城諸河
僅若滄瀆取行水道而已舟航鱗次信宿不達以
故水輸陸產輻輳而至者皆以湖墅江干爲市城
空無儲識者憂之欲濬廣城河移市入郭而形家
者曰杭城水皆西北下流所恃稍濬以畱王氣開
通則無滯矣於是復有湖墅築子城包絡市河之
議亦頗可采顧非常之原難與慮始儻不憚營繕
而擇其便利植之使夫京坻露積緩急不匱亦百
世之慮也

田賦

戶 三萬九千五百七十八戶

丁口 碑額五萬二百五十五口冊存五萬一千

九百零半口內有老幼殘疾婦女寄庄共二千九

百四十四口半止納坐派里胥因緣為奸萬厯三

十三年心湯通冊查參除免每除五口補壯丁一

凡補六百二十四丁通計實在壯丁四萬九千五

百八十丁視原額除免六百七十五口外而丁銀

視舊額增二百四十四兩五錢六分五釐市民一

二百四口每口額徵銀二錢二分六釐九毫鄉民三萬八千三百七十六口每口徵銀二錢四分

錢塘縣志

紀疆

三

二毫徵米二升四合七勺 例免七千五百五丁

市丁徵銀四分一釐四毫鄉丁徵銀六分四釐七

毫 竈丁四十一百七丁 每丁徵銀四分三釐三毫

田 碑額二千六百一十頃八十四畝二分九釐

三毫二絲二微冊存二千五百九十九頃九十九

畝九釐七毫有奇萬厯三十三年參查實在二千

六百一十四頃五十五畝二分六釐一毫有奇田徵

二千四百七十五頃九十六畝九分五毫有奇每

畝銀六分七釐八毫米六升六合七勺 折田七

頃四十三畝六釐四毫有奇每畝銀四分三釐三

毫 竈湖田六十九頃八十三畝七釐二毫每畝

銀七分八釐米三升 學田三頃一十五畝二分

每畝銀三分一釐七毫米六升六合七勺 下則

沙田四十二頃八十一畝二分九釐四毫有奇每

畝銀五分一毫 旌功田七頃九畝二分八釐每

畝銀一分
七釐八毫

地 碑額一千六十八頃三十二畝四分九釐一

毫三絲二忽二塵冊存一千三十八頃九十二畝

一分三釐有奇萬麻三十三年參查實在一千六

十二頃六十六畝三分四釐三毫有奇徵地一千

二十七畝七分五釐有奇每畝銀四分二釐二毫

米三升七合一勺折地二十七頃五十畝四分

一釐八毫有奇每畝銀四分八釐下則沙地一

頃一十四畝二分七釐三毫有奇每畝銀三分三

釐五毫旌功地一頃一十三畝

八分一釐八毫每畝銀六釐四毫

山 碑額二千四百七十五頃七十畝九分五釐

四毫四絲四忽冊存二千二百四十頃九十五畝

二分五釐二毫有奇萬麻三十三年參查實在二

千四百七十四頃三十三畝四分六釐一毫有奇

土山一千四百八頃一十八畝七分三釐九毫有

奇每畝銀八釐六毫米三合五勺石山六百一

十八頃七畝六分二釐九毫有奇每畝銀二釐四

毫米三合五勺告折山四百四十六頃七十六

畝四分五釐四毫有奇土山每畝九釐六毫石

山每畝四釐四毫旌功山二頃四十一畝二釐

有 蕩 碑額二百八十八頃六畝九分九釐六毫冊

存二百八十九頃八十二畝四分六釐一毫有奇

萬麻三十三年參查實在二百九十二頃一十九

畝六分五釐九毫有奇徵蕩二百八十七頃一十

畝八分六釐三毫有奇每

錢塘縣志

紀疆

畝銀三分四釐一毫米三升 旌功
蕩七十五畝四分九釐每畝銀一分

基地 碑額二十七頃八十八畝四分二釐五毫

七絲五忽冊存二十八頃一十七畝七分二釐有

奇萬厯三十三年參查實在基地二十八頃七十

八畝四分一釐六毫有奇 徵基地二十七頃八十

奇每畝銀八分五釐米六升六合七勺 旌功 已

基地一畝二分二釐有奇每畝銀一錢二分

上參查實在田地山蕩基地六千四百七十二頃

五十三畝一分四釐二毫有奇視原額多五頃四

分有奇除抵補豁免坍江田地蕩三頃九十八畝

錢塘縣志 紀疆

羨

通歲制入米麥二萬三千二百六十石一斗四升

有奇 制出京倉 正耗米一萬九 廣運倉 改兌正

千一百五十 廣積倉 麥一百四十三石 廣豐倉 孤

七石八斗 口糧秋鹽糧餘米二千二百 額缺補以鄉民口米

三十三石三斗八升有奇 制入條編銀三萬二千三百七十兩六錢九分有

奇 年額增入條銀二千二百二十六兩七錢二

分有奇正額新增共該三萬四千五百九十七兩

四錢一分有奇 制出稅糧兵餉驛傳馬價 京庫

折絹絲綿 織染局絲 資盈庫鈔 廣積倉 麥 三六輕資 正改兌項下蘆蓆正耗米 兌

軍行糧	永福倉米	楞木松板	過江脚米	河工修河
廣豐倉米	孤鐸秋鹽	嘉興府解	甯波府充	米軍儲
派兵餉	驛傳站銀	金背金工	米	米
一萬九千	驛傳站銀	馬價	共銀	額辦
鐵線	貓紫竹	麋皮	藥材	弓箭
坐辦	淺船	司工料	麻日紙料	歲造段
共銀	一千四百	雜辦	聖節祝壽	鄉飲
三兩六錢	九分有奇	廟行香	卷箱	紙割
上祀	遷祭門	使客輿	阜程給	孤老
官水手	鄉會文	生儒考	試	部運
布軍器	路費	戰船	草蕩	柴
填工匠	募夫	房書手	馬匹	盒
担預備	雜用	總府傘	阜附	織造
府心紅	解扛水	京富戶	院兩	關
百三十二	兩一錢	六分有奇	七	徭役

錢塘縣志

紀疆

三五

各司道運府衛縣學倉稅鋪司各署門子阜隸甲
 首健步弓兵鋪兵解戶船手應捕獄卒斗級巡攔
 水手夫役等工食府縣學新官家伙歲貢路
 費附載織造府門阜兵夫嘉湖兵巡道充役
 門子軍門充役阜隸本府充餉鋪兵本縣充
 餉阜隸水兵民壯等工食鹽鈔通共銀七千三
 十三兩六錢七分有奇

額外胖襖銀五百二十五兩六錢
 十兩三徵餘多丁銀除增民壯二十名工食一百四
 十四兩外銀一百兩零五錢六分有奇存補每年
 備用不敷之數係三十三年心湯參出

帶徵 安溪奉口稅課局 鈔折銀一百二十九兩
 奇 西溪稅課局 鈔折銀一百四兩五毫有奇
 河泊所 課鈔

六十七兩七錢九魚膠翎羽折錢銀二十二
分五釐二毫有奇兩五錢八分三毫有奇漁課閩俱
加額

論曰嘗攷往牒戶口登耗土田贏縮大都十年一
小變易世一大變自條編法行制始畫一其有未
一者則丁口之有壯而又有老有弱有殘疾婦女
寄庄也田土之有民而又有竈有祭有學有旌功
有告折也賦有額碑而又有坍江缺額與河工兵
餉鹽糧帶徵之歲減歲加也存留米麥有折色又
有本色也心湯稍爲參畫稟於一成蠲繁芟苛勒
爲四限通列由粟家論戶曉庶塞狡窟之多歧實

錢塘縣志

紀疆

三

乃拙者之爲政云爾至於爲陵爲谷地道固然歲
有豐嗇政有撫駿則登耗贏縮實關國脈天人參
矣前此之變不勝攷後此之變不勝窮茲不具紀
紀其見行畫一舉矚可竟者爲田賦要刪焉

物產

穀之屬凡六曰稻有二黍有三稷有黑麥有四

菽豆也有十三黃白赤青刀麻有二芝麻有

蔬之屬凡三曰園蔬有三瓜有葫蘆有區蒲芥菜白菜松菜

油菜甜菜生菜莧菜冬菜蒿菜薑心矮黃矮青波

稜苦蕒蘿蔔薯蕷芋茄蔞葱韭薤蒜葫荻甘露子

筍木澤蔬有四水芋野蔬有五薇薺

果之屬凡四曰園果有二十三棗銀杏胡桃梅杏

瓜柿枇杷楊梅林禽櫻有山果有五栗榲

桃蒲萄香芋落花生有蔗瓜有藥之屬凡四曰草部有七十一地黃牛膝白芷麥

芡藕蓮房田果有荻菰芋薺

白芨百合有粟殼香附子續隨子車前子何首烏

牽牛躑躅花惡實劉寄奴紫苑草決明青箱子甜

葶子鳳眼草貫眾菟絲子菴麻子茴香蒼耳子大

薊小薊益母草充蔚子良薑大黃蛇牀子艾葉菊

花菖蒲薏苡前胡附子乾葛苦參威靈天南星黃

精鬼箭覆盆子藜蘆白鮮皮馬兜鈴千年潤續斷

稀簽草見腫消蒲公英羊躑躅根鱧腸菴蔞夏枯草

金銀花有十山梔子枸杞地骨皮茱萸石部

穀精草木部有枳實枳殼陳皮桃仁杏仁青皮

有二石膏有十三蟾酥蜂子蜜蠟蜂房龜甲

寒水石有蟲部有桑螵蛸原蠶蛾僵蠶蛇蛻蟬蛻班

頸蚯蚓

織之屬凡二曰卉織有七綿布苎布麻布葛絲有

綾羅紵絲

紗絹細縠

木之屬

有四十桑柘柏檜松梓桐椿楠槐桂檀楓榆槿漆楮柞樟朴檮櫟榕棟栗杉溫杉櫻

錢塘縣志

紀疆

毛

冬青阜筴肥早鳥柏白棗黃楊海桐青神鳳集柳楊柳

竹之屬凡二曰大竹有十茅竹剛竹金竹晚竹早

小竹有十一紫竹淡竹木竹石竹水竹文竹武竹

花之屬凡三曰園花有五十四牡丹芍藥紅梅臘

秋海棠長春薔薇醉醺棠棣紫荆迎春紫薇千葉

桃夾竹桃郁李木筆瑞香丁香玉簪水仙粉團玫

瑰菊夜合石菊石竹蕋玉蘭茉莉舜山丹凌霄蝴蝶

蝶金錢金盞金蓮佛手木芙蓉鳳仙雞冠剪春羅

翦秋羅錦帶山茶笑靨密山花有九杜鵑映山紅

檉雁來紅佛見笑滴滴金山花山礬野菊蘭蕙野

棠金燈有四芙蓉蘆澤花有二十八木縣葛苳黃麻孔

草之屬凡二曰陸草有二十八木縣葛苳黃麻孔

夾麥青燈心莞獨篔簹慎火萬年青芭蕉雞脚草

兒草雪裏青金絲草金釵草毛藤老少年吉祥草

錢塘縣志

紀疆

天

虎鬚有澤草有蒲萍荻

貨之屬凡三曰食貨有七鹽茶蜜服貨有用貨

有有四十五銀蠟紙革角金銀箔錫箔金條瓦金朋

脂鉛粉燈香石灰薪瓶罌甕缶刀扇像生花法朗

器皿傘屐轎鞋鞞巾帽梳刷搜套燈燻櫻裙兩

衣琴瑟簫管鏡鼓爐瓶圖畫書籍古董諸具

羽之屬凡三曰家禽有四雞野禽有三十五鳥鴉

鴨鳩雀鸚鵡鶯燕畫眉杜鵑鸚鵡百舌翠青山鵲竹

鷄山鷄戴勝鶴鶉鉤轉黃頭烏頭蠟嘴啄木告天

姑惡相思白有水禽有十鳧鷗鷺鸕鶿鷓鴣

頭公婆餅焦有鴛鴦鷓鴣鸕鶿鷓鴣

毛之屬凡二曰家畜有九牛馬驢騾野畜有十七

鹿麋麀鹿兔狐獾猴野豬豪豬豺狼獾

鱗之屬凡七曰池魚有五鱣鱧河魚有十二鯉鯽

魚鱸黃額	白頰呼歎	銀海魚	介之屬	蟲之屬	刺蝟水蛭	蠅蠅	香林茶	亭翁家山	井法相僧	井儂分玉	下紗帽藤	神物蛇蟪	不息琮琤	此清心魂
溪魚	驚石斑	有十	有十五	有三十三	蚋蚋	蠅蠅	上產者	亦產者	收以語	乳花虎	衫對品	此真宅	時諧琴	一漱如
有	有	有	有	有	有	有	最下者	法華山	人曰	余剪碧	屠隆	飲沫走	澄泓冷	吾聞龍
湖魚	盆魚	盆魚	盆魚	盆魚	盆魚	盆魚	雲茶	雲茶	雲茶	雲茶	雲茶	雲茶	雲茶	雲茶
有	有	有	有	有	有	有	有	有	有	有	有	有	有	有

錢塘縣志

紀疆

完

是如來八功德此山秀結復產茶穀而霰霖抽僊
 芽香勝梅檀華莊界味同沆瀣上清家雀舌龍團
 亦浪說顧渚陽羨競須澤摘來片片通靈竅啜處
 洽洽馨齒牙玉川何妨盡七筵趙孫借火候傳調停
 采取龍井茶還烹龍井水文武并將陸羽未會此
 暗合金丹理茶經水品兩足佳可借陸羽未會此
 醒解耳畔颯颯來松風即此便是清涼國誰同飲
 者隴

西公

蕁生西湖中春末夏初采有冰鈴附葉下舊傳產
 首玳筵金饌絲舟停取醉明湖酒欲醒戲采綠蕁
 調碧碗一時輕薄五侯鯖未樓倚檻摘簷花翠
 帶無因拂翠霞獨有雷裙照蕁葉蒼烟一頃浸丹
 霞肥蕁滑控對珊瑚墮水晶一蕁生三塔路
 採肥蕁滑昔年遮翠來猶自懸纓絡秋至還開小
 金繩寶網昔年遮翠來猶自懸纓絡秋至還開小
 白華徐桂詩二首碧似宋人初葉玉涓方胡地乍
 疑酥漫從北里稱千里合是西湖擅五湖翠鮮

玉潤映清渠
懿此柔嘉獨
可茹卻笑晉
人徒博物
止方羊酪並
鱸魚張文穎
詩二首碧蔭
隨波凝似
玉瓊枝映水
滑如酥不妨
采作真人供
一夜春風
徧兩湖嫩葉
如錢不解分
柔絲繫水謾
成紋盤
中昔蒨堪為
侶和露烹來
雜五雲張鳴
鶴西湖採
蓴詩渚蓴香
細綠生春翠
帶牽絲出水
新謾想秋
風歸興早喜
逢合節薦羞
頻自憐藿食
醯鹽淡誰
羨豪門鼎俎
陳采擷不妨
歸棹晚桃花
烟暖隔漁
津凌立詩花
滿蘇堤柳滿
烟採蓴時值
豔陽天漫
移短棹尋漁
隱似逐佳人
拾翠鈿香蘊
和羹舒雉
尾脂凝細葉
舉龍涎浮山
寄寓湖山穩
不向秋風
怨未還虞洎
貞詩四首湖
上風光兩處
分採蓴弄
影自為羣龍
鬚冷滑龍膏
紫寒色侵衣
染綠雲
波沈蓴茁映
飛花正是春
深味轉佳淺
翠翻風攢
紫玉纖莖織
水曳青霞紫
莖蓴蕊紫絲
穿顆顆
冰珠顆顆圓
歲飲珠璣甯
計解何曾日
食謾論錢
懶畏青蓴採
去遲芼羹須
及影葳蕤
秋前春後西
湖上挽斷靈
泉五色絲
成化十年間
定土貢額
密陀僧一十
甜葶十一

錢塘縣志 紀疆

三

二金箔三十貼
山梔子一百一
弓二百七
銀箔三十貼
箭二千五百枝
弦八千三百條
雜色毛皮一千二百張
翎
毛六萬九千六百六十七
鹿一隻
兔二隻
班鳩七隻
本縣
屬河泊所帶辦翎毛
三萬四千七百八
魚鰾八兩九錢
五雞八隻
野味改牲口
同果品于坐辦徵藥材于額
辦徵雜色毛皮改胖襖褲鞋弓箭弦條改辦物料
俱於額辦徵紵絲紗羅紬改織染局督造於坐辦
徵魚鰾翎毛於各稅課河泊所徵

論曰入錢塘境城內外列肆幾四十里無咫尺甌
脫若窮天罄地無不有也及徐而叩所產物又無

一有也卽有之大都耳目恒品亦竄雜未甚良方
晨已集終西囂呼五方輻湊無竄不售蓋物盛所
聚何必自其地產哉古者任土作貢非貴異物卽
會稽竹箭業已奇貨可居顧安得瑤琨織貝而稱
之惟是龍井茶西湖蓴差強人意曝背芹子以獻
至尊區區之意然已疎矣成化之役先規簿正附
辦三徵政同塵市之征烏在任土之義往牒所陳
未敢剗落倘按籍入肆將無謂我張楚乎

卷之三